


Jacob shinaidi Esaúmunda parte 2

Génesis 27:1-46



Isaacga uni
watayuj
gashkamundaga
yuyij, sigu gaga.
Paiga lijítimu
churi Esaumu
chaubi yallida
japichun kungaj
gaga.



Shinushkamundami
Isaacga karubi gaj
animalda wasibi
yanuchun
apamuchun Esauda
mañuga. Mikushka
k'ipaga Isaacga
paibuj ligítimu churi
mashna japinada
japichun ningu gaga.



Shina nishkada
Rebeca uyushaga
paibuj munushka
churi Jacobmu
risha, “Taitaj
bendicianada
kambuj waukimu
kush nin,” parluga.



Chimundami
Rebecaga alli
wawa ovejada
yanungaj
apamuchun
Jacobda niga.



Rebecaga
Isaac mikungu
munushkada
mikuchunga
wawa ovejada
k'widi alli
yanuga.




Esauj rigra,
kungash millmalla
gashkamundaga
Isaac tupushaga
Esaú gashkada
yuyachun Rebecaga
Esauj churanan
churachiga, shinaidi
Jacob-buj kungada
rigrada oveja karan
pillusha churuga.




Taitajmu mikunan Jacob kuchuyakiga taitaga, “¿Maijindi gangui? ¿Esauchu? na gashaga ¿Jacobchu?” nisha tapuga.

Isaacga sigu gashkamundaga pi gashkada na yachuga. Jacob parlakiga Esaú na parlashkada uyuga.




Shinushkamunda Jacobda uglachun paida tupushaga Esaú, na Esaú gashkada yachungu kuchuyachiga.

Isaacga mikushka k'ipash
Esaú na gashkada yuyaga.
Chimundami Isaacga
Jacobda kuchuyachishaga
shimipura tupachun
mañuga. Jacobga Isaac
muchuki Esauj churanada
mutkisha, divirti Esaudi
gashkada criga.



Isaacga sigu gashkamundaga
pandarishaga Esaú chaubi
yallida japinada Jacobmu
japichun kuga. Shinalladi
puchukai churidash shinaidi
mashnalla paigunabi gaj
gentegunadash alli yuyin
pushanada kuchun Diosta
mañuga.



Shina nishka k'ipa
Jacob llujshish rikiga
Esaú mikunan taitaj
kunada mañungu
chayamuga. Chibimi
Isaacga Jacobmu
pandarisha kushkada
yachu chayushaga
manchanaidi
chujchurisha
manchariga.




Esauga jigusha
wakushaga, “¡Taitiku! Ima
sobrushkawadaga ñukamu
kubairi,” nisha mañaga.


Isaacga llakidi, “Kambuj
wawki ñukada pandachiki
illujta paimu kugani.
Kununga imadash na ruri
pudinichu,” niga.



Isaacga, “Esaú,
Jacob-buj makibimi
gagungui. Shamuna
watagunamunda
shujbi llujshinguimi,”
niga.



Chimundapachami
taitada pandachisha
kichushkamunda
Esauga Jacobda
p'iñaga. Shinushaga
pailladi upalla, "Taita
wañushka k'ipaga
pandachij Jacobda
wañuchishkanmi
gasha," niguga.



Esaú shina ruranada Rebeca
yachi chayushaga karubi gaj
Harán pueblobi tiyaj tio
Labanmu mitikusha richun
Jacobda rugaga.

Rebecaga, “Uni k’ipaga Esaú
ña na p’iñukiga Jacobga
shamungallami,” yuyashaga
Isaacda kashna mañuga,
“Jacobdaga Labanmu richun
kachabai. Chimu chayushaga
mai jinsh tiyaj warminga
kazarangallami.”



Jacob shinaidi Esaúmunda

Parte 2

Si quieres leer mas,
vaya al primer libro
del Antiguo
Testamento y leer
27:1-46

Biblical illustrations by Jim Padgett,
courtesy of Sweet Publishing, Ft. Worth TX
and Gospel Light, Ventura, CA
Copyright 1984. All rights reserved.
Additional illustrations by Carolyn Dyk.